



Inatsisartunut ilaasortaq Anthon Frederiksen, Partii Naleraq  
Maani/

### **Teriannissat, tulukkat naajallu pillugit apeqqut nr. 209-mut akissut**

Inatsisartut suleriaasianni § 37, imm. 1 naapertorlugu teriannissat, tulukkat naajallu pillugit Naalakkersuisunut arlalinnik apeqquteqarsimavutit. Apeqqutit suliassaqarfinit akisassanngortinneqarsimapput.

- 1. Kalaallit Nunaanni teriannissat eqqissisimatitaanerat pillugu Namminersornerullutik Oqartussat nalunaarutaat nr. 20 ulloq 17. maj 1989-imeersumi, § 2. Teriannissat piffissami 15. maj - 15. september eqqissisimatitaanerisa sivikillineqarsinnaanerit imaluunniit inunnut uumasunullu allanut ajoqutaasinnaanerit tunngavigalugu piffissami aaliangersimasumi eqqissisimatitaajunnaarallarnissaat Naalakkersuisunik qanoq isumaqarfigineqarnersoq apeqqutingaara?*

Apeqqummut 1-imut)

Kalaallit Nunaanni teriannissat peqqissut mianersortuupput inunnullu qanillinaveersaar-tuullutik, inuilaamilu, soorlu Kalaallit Nunaata kangimut avannaani Nunami Allanngutsaaliukkami, inunnut nigortuunerat allanngorartuuvoq.

Teriannissat sivisuumik nerisassaqarpiarsimangikkaangamik pissusilersornermikkut allanngorsinnaasarput, taamaalisoqarneranilu illoqarfiit/nunaqarfiit, eqqaavissuit nersu-taateqarfiillu qaninngoorsinnaasarlugit. Terissat uumasullu allat mikinerusut nerineru-sarpaat, nersutaasivinnili savanik aamma saassussinnaallutik, ikiliisinnaapput toqutsisin-naallutilluunniit. Teriannissat taamaalillutik inuit pigisaannut navianartorsior-titsisinnaapput.

Teriannissat perlerornermik nappaateqaleraangamik pissusilersornermikkut allanngor-tarput. Nappaatip sianiutit saassuttarpai, napparsimanerullu naajartorerani tamanna imatut sunniuttarpoq:

1) assut nikallungasarput, nukillaaqqasarput (aamma paralytiske form-imik taaneqartoq) imaluunniit

2) assut saassusseqqajaasarput (aamma furiøse form-imi taaneqartoq).

Nujuartuunertik pissuseriunnaartarpaat inunnillu, uumasunik pequtinillu piviusunik piviu-suunngitsunillu saassussisarput, taamaalillutillu qanigisaminni inunnut navianartorsior-titsisinnaallutik. Tamanna perlerornerup nappaatitut katsorsarneqarsinnaanani killiffiani pisarpoq, terianniarlu amerlanertigut nalunaaquttap akunnerisa 24-48-t iluini nappaam-minik toqusarpoq.

Teriannissat perlerornermik tunillatsissimasut uumasunik inunnilluunniit kiisiner-mikkut tunillaassusinnaapput. Perlerorneq tamatigut toqussutaasarpoq, nappaallu aallar-tereer-

11-08-2016  
Sags nr.: 2016-12073  
Akt. nr. 3172173

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apnn@nanoq.gl  
www.naalakkersuisut.gl

simagaangat napparsimasut katsorsarneqarsinnaaneq ajorlutik. Akiuussutissat atorlugit pinaveersaartitsisoqarsinnaavoq.

Piffissami taaneqartumi eqqissisimatitsinerup atorunnaarnissaanut inuit inuunerat, peq-qissusaat pigisaallu tunngavilersuutaapput. Tamanna § 8 malillugu kommunalbestyrel-siniit nakorsaanerimiillu Naalakkersuisunut inassuteqarnikkut pisinnaavoq.

Teriannissat perlerornermik nappaateqartutut pasinaatillit toquinnartarnissaat uuma-sunik illersuiniarnikkut tunngavilersorluagaavoq, tassami taakku arriitsumik anniaqalutillu pinngitsooratik toqujartortussaammata.

### **Kitsissunnguit pillugit**

Kitsissunnguit eqqissisimatitatut toqqarneqarnikuuvoq *Kitsissunnguit eqqissisimatitaa-nissaat pillugu Namminersornerullutik Oqartussat nalunaarutaat nr. 11, 17. April 2008-meersoq* naapertorlugu. Eqqissisimatitamut isersinnaaneq killilersorneqarpoq majip 1-ianiit oktobarip 31-ata tungaanut timmissat, ingammik imeqqutaallat pillugit. Ilaatigut piffissami taaneqartumi piniarneq, aallaaniarneq, mannissarniarneq aalisarnerlu (taamaattoq nipisanniarnaq ilaatigut pinnagu) tamarmik inerteqqutaapput, nalunaarummi § 11 naapertorlugu. Nalunaarut immikkut ittumik akuersissuteqarsinnaanermut periarfis-siinngilaq, taamaattumik soorlu teriannissanik ikilisaasoqassagaluarpat piffissap qulaani taaneqartup avataani ingerlanneqassaaq.

Teriannissat timmissanut ivasunut ajornartorsiutaasinnaapput, soorlu imeqqutaallanut. Qeqertani soorlu Kitsissunnguani teriannissat piffissap ilaani nungunneqarsinnaagaluar-tut, ukiukkut sikukoorlutik qeqertanut inisseqqissinnaapput. Teriannissat sunniuti-limmik isumalimmillu ikilisarneqassappata upernaakkut ikilisarneqartariaqarput, tim-missat Kitsissunnguanut anngutinnginnerini. Tamanna taamatut eqqissisimatitsinissaq pillugu nalunaarummut naapertuuppoq, taanna apriliip 30-at ilanngullugu periarfissiivoq teriannissanik naleqqussaansamut/ikilisaasinnaanermut. Pinngortitaleriffiup siusinne-rusukkat naliliinermini nalilernikuuvaa ataatsimut isigalugu annikitsuinnarmik teriannia-qassutsimut sunniuteqarnissaa, kisianni qeqertani timmiaqassutsimut pitsaasup tungaanut annertuumik sunniuteqarluarsinnaalluni.

2. *Timmissat illersorneqarnerat piniagaanerallu pillugit Namminersornerullutik Oqartussat nalunaarutaat nr. 8, 2. marts 2009-meersumi allaqqavoq tulukkat (Corvus corax) 1. september – 28/29. februar ilanngullugu piniarneqarsinnaasut. Taamatutaaq naajaannaq (Larus glaucoides) 1. september - 30. april piniarneqarsinnaalluni. Timmissat pineqartut piffissami sivisunerusumik piniarneqarsinnanerat imalunniit inunnut allanullu akornutaalersimanagerat pillugu piffissami aaliangersimasumi eqqissisimatitajunnaarallarsinnaanerat Naalakkersuisunit qanoq isumaqarfigineqarnerasoq paaserusuppara?*

Apeqqummut 2-mut)

Timmissat pillugit nalunaarummi atuuttumi uumasut nakorsaqaarnikkut ilisimatuussutsik-kullu aamma ilinniartitsinikkut pissutissaqassappat kiisalu attaveqaqatigiinnikkut timmi-sartukkullu angallannikkut isumannaatsuutitsinissakkut pissutissaqassappat piffissat piniarfiusussat pillugit aalajangersakkaniit immikkut akuersissuteqartoqarnissaa periar-fissaavoq.

Assersuutigalugu Mittarfeqarfiit 2012-imi Nanortalimmi timmissanik unguusinissaq pisa-qarnissarlu pillugit ukiuni 5-ini atuuttussamik immikkut akuersissummik tunineqarsimap-put, matumani timmisartukkut angallanneq isumannaatsuutinniarlugu. Akuersissummik

tunniussisoqarnerani Nanortalimmi tulukkanik naajanillu pisaqartoqarnissaanut pullatinik atuisoqarnissaa akuerineqarpoq, matumanilu timmisartut timmissallu aporaannissaasa pinaveersaartinnissaa siunertarinqarpoq. Taamaalillunilu inuit inuunerisa peqqissusii-salu eqqarsaatiginissaat piffissami taaneqartumi eqqissisimatitsiunnaarnissamut tunngavilersuutaavoq.

3. *Ilanngullugu paaserusuppara qulaani pineqartut annertuumik ajoqutaasutut piffinni assigiinngitsuni malunnarsisimappata taava piffissamik aalajangersimasumik sivisussusilimmik eqqissisimatitsinerup atorunnarallarnissaanut Naalackersuisut kommunit suleqatigalugit qulaani apeqqutit pineqartut pillugit qanoq iliuuseqarsinnaanersut?*

Apeqqummut 3-mut)

Naalackersuisut timmissat pillugit nalunaarummut atuuttumut nutarterineq aallartinnikuuvaat. Nutarterinermi aalajangersakkani ilanngussisoqarsinnaanera periarfissaassaaq, tassanilu erseqqissarniarneqarpoq Mittarfeqarfiit kommuniluunniit Piniarnermut Naalackersuisumiit akuersissummik pereernermikkut mittarfiit/heliportit, eqqaaviit eqqaavissuillu eqqaanni tulukkanik naajanillu akornusersorneqartuni mannisarniarsinnaanermut immikkut akuersissummik pisinnaalernissaat. Tamanna aqputigalugu sumiiffiit tulukkanik akornusersorneqartut ikilisarneqarsinnaassagaluarpot, soorlu eqqaavissuit imaluunniit mittarfiit/heliportit eqqaanniittut.

Naalackersuisulli isumaqarput uumasooq suugaluartorluunniit ikilisarinnissaa imaluunniit nungusarneqarnissaa pissanngitsoq, soorlu eqqagassanik ajornartorsiuteqarneq tunngavigalugu. Ukiut ingerlaneranni uumasunik taakkuninnga ajornartorsiortoqarneranut aaqqiissutaasinnaasunik saqqummiisoqartarsimavoq: piniarnermik killilersuinikkut kiisalu neriniarfiusinnaasunik, soorlu puisit sinnikuinik, umiarsualiveqarfinnut il.il. qanittuni aalisakkat sinnikuinik eqqaannakkanik ikililerinikkut.

Naleqquttumik eqqagassanik passussineq naajaqatigiinnik tulugaqatigiinnillu amerlisaannginnissamut aqputissatsialaavoq. Ukiuunerani timmissat sumiiffiit nerisassallit ornikkusunnerusarpaat, soorlu eqqakkat, nerisassaqarfiillu tamanna killilersorneqartuuppat timmissat allamukarnissaat ilimanarnerulissaaq.

Timmissanik tunillaassuussinnaasumik nappaateqartutut pasitsaassanik toqoraanisamut immikkut akuersissut APNN-imit tunniunneqarsinnaavoq. Timmissat nappaateqartutut pasitsannartoqanngitsut imaluunniit malunnartoqanngitsut toquinnarniarlugit aamma toqoragassaanngillat. Timmissanik taakkuninnga qimaatitsiniartarneq pisaqartarnerlu sivisuumik sunniuteqarsinnaanerannik misilittagaqartoqanngilaq, taamaammallu inassutiginarpoq suliffeqarfiit nerisassalerisut periutsinik allanik atuissasut.

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersumi § 7, imm. 2 kiisalu § 8, imm. 2 aamma 6 malillugit suliffeqarfiit, soorlu aalisakkeriviit isumagisussaavaat:

- eqqagassat containerini matoqqasuniinnissaat,
- suliffeqarfik imaalillugu aaqqiissuunneqassasoq inuussutissanik suliarinnineq toqqortarinninnerlu eqqiluisaarnikkut illersorneqarsinnaasunngorlugu,
- suliffeqarfiup aserfallatsaaliinermi nammineq nakkutiginninnermut pilersaarutaani, suliffeqarfiillu nunaminertaani uumasuarsunnik nakkutiginnittoqarlunilu akiuiniartoqassasoq.

Suliffeqarfinni inuussutissaleriffiusuni eqqagassalerinermut akisussaaffik Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersoq malillugu tunisassiorfiit isumagisassaraat, akisussaaffili illoqarfimmi/nunaqarfimmi eqqagassalerinermut tunngasoq kommuninit akisussaaffigineqarluni.

Tassani kommunit pingaarutilimmik pisussaaffeqarput, tassami kommunit tassaammata najukkami eqqagassalerinermut akisussaasuusut.

Timmissanik toqoraasoqarsinnaananut immikkut akuersissutit tunniunneqartarsimasut tunniunneqartarsimapput, timmisartut isumannaatsumik angalasinnaanissaat qulakkeerniarlugu.

Inussiarnersumik inuulluaqqusillunga

Nikolaj Jeremiassen

Aalisarnermut Piniarnermut Nunalerinermullu Naalakkersuisoq